



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: 50-380-17/15

Datum: 6.7.2015.

Na osnovu člana 70. stav (1), a u vezi sa članom 3. stav (2) Zakona o javnim nabavkama BiH («Službeni glasnik BiH» br. 39/14) donosim

## O D L U K U

### o poništenju postupka nabavke

#### I

Poništava se postupak nabavke po Obavještenju o nabavci broj 1132-7-2-29-3-27/15, pod nazivom „Štampanje časopisa „Voda i mi““.

#### II

Ova odluka stupa na snagu danom donošenja.

### O B R A Z L O Ž E N J E:

Agencija je uputila zahtjev za dostavljanje ponuda na adrese tri ponuđača:

1. Blicdruk d.o.o. Sarajevo
2. Gong d.o.o. Sarajevo
3. Design21th web dizajn studio Sarajevo

Sa web stranice Agencije [www.voda.ba](http://www.voda.ba) Tendersku dokumentaciju su preuzeli sljedeći ponuđači:

1. A Dizajn d.o.o.
2. Grin d.o.o.
3. Grafomark d.o.o.
4. GIK OKO d.d.
5. Grafičar s.p.
6. NIGD Dnevne nezavisne novine d.o.o.
7. Eurografika d.o.o.
8. Kula d.o.o.
9. Planjax Komerc
10. Štamparija Fojnica d.d.

Uredno zapečaćene i na vrijeme dostavljene na protokol Agencije su pristigle sljedeće ponude:

R. br.	PONUĐAČ	Cijena na (javnom) otvaranju KM (bez PDV-a)
1.	ŠTAMPARIJA FOJNICA d.d. Fojnica	5.760,00
2.	EUROGRAFIKA d.o.o.Zvornik	1.892,00
3.	GRAFOMARK d.o.o. Laktaši	6.240,00
4.	A DIZAJN d.o.o. Sarajevo	1.840,00
5.	BLICDRUK d.o.o. Sarajevo	1.596,00

Komisija je izvršila otvaranje finansijskog dijela ponuda i tom prilikom konstatovala sljedeće:

Redni broj	Ponuđač	Količina/obim/opseg	Jedinična cijena po stavki bez PDV-a	Ukupna cijena po stavki bez PDV-a
1.	GRAFOMARK d.o.o. Laktaši	1.600,00	3,90	6.240,00
2.	EUROGRAFIKA d.o.o.	1 x 400	4,73	1.892,00
3.	A DIZAJN d.o.o. Sarajevo	400 kom	4,60	1.840,00
4.	BLICDRUK d.o.o. Sarajevo	400	3,99	1.596,00
5.	ŠTAMPARIJA FOJNICA d.d. Fojnica	1.600	3,60	5.760,00

Zapisnik sa otvaranja ponuda poslan je putem faksa ponuđaču koji je dostavio ponudu.

Nakon izvršenog otvaranja ponuda, Komisija za nabavke je pristupila analizi ponuda, te konstatovala da je cijena ponude ponuđača BLICDRUK d.o.o. Sarajevo koja iznosi 1.596,00 KM bez PDV-a neprirodno niža u odnosu na ostale prihvatljive ponude (za više od 50 % niža od prosječne cijene preostalih prihvatljivih ponuda). U postupku pregleda i ocjene ponuda, dopisom Agencije broj 50-380-14/15 od 15.06.2015. godine, pozvan je ponuđač BLICDRUK d.o.o. Sarajevo da pismeno dostavi Agenciji detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene.

Dana 16.06.2015, aktom b.b., kao odgovor na dopis Agencije broj 50-380-14/15 od 15.06.2015. godine, ponuđač BLICDRUK d.o.o. Sarajevo je dostavio zahtijevano pojašnjenje ponude, navodeći kako je navedena cijena cijena za jedan broj časopisa, tiraž 400, te da je ukupna cijena za tri broja časopisa „Voda i mi“ 4.788,00 KM bez PDV-a

Komisija je tada uvidjela da su pojedini ponuđači dali ukupne cijene, u obrascu za cijenu ponude, za jedan, tri ili četiri broja časopisa.

Iako je Ugovorni organ dana 25.5.2015. godine ponuđačima dao pojašnjenje tenderske dokumentacije br: 50-380-7/15 u kojem se, između ostalog, navodi da se nabavka odnosi na štampanje 4 broja časopisa, Ugovorni organ je primjetio da je učinio propust u postupku nabavke te jednom od ponuđača, Blicdruk d.o.o. Sarajevo, greškom, nije poslao navedeno Pojašnjenje.

Ponuđač Blicdruk d.o.o. u Aneksu I tenderske dokumentacije, Obrascu za dostavljanje ponude, navodi da daje ukupnu cijenu za štampanje tri broja časopisa u iznosu od 5.601,96 KM.

Nakon izvršene analize ponuda, Komisija je zaključila da je ponuđač Blicdruk d.o.o. doveden u nepovoljniji položaj u odnosu na ostale ponuđače, jer je formirao cijenu misleći da se nabavlja usluge štampanja tri broja časopisa, za razliku od ostalih ponuđača koji su pravovremeno dobili pojašnjenje tenderske dokumentacije u kojem Ugovorni organ navodi da nabavlja usluge štampanja četiri broja časopisa.

S obzirom da je došlo do propusta u postupku nabavke usluga: „Štampanje časopisa Voda i mi“, na način da jednom od ponuđača nije dostavljeno pojašnjenje tenderske dokumentacije broj: 50-380-7/15 od 25.5.2015. godine, te da navedeni ponuđač stavljen u nepovoljniji položaj u odnosu na druge jer na vrijeme nije bio obavješten o obimu nabavke, zbog čega nije mogao pod ravnopravnim uslovima učestvovati u predmetnom postupku javne nabavke, usljed čega je došlo do kršenja principa jednakog tretmana član 3. Zakona o javnim nabavkama, odlučeno je kao u dispozitivu.

#### PRAVNA POUKA:

Učesnik u postupku, koji nije zadovoljan ovom odlukom, može u roku od 10 dana od dana prijema ove odluke izjaviti žalbu zbog povrede odredaba Zakona o javnim nabavkama. Žalba se podnosi u najmanje 3 primjerka «Agenciji za vodno područje rijeke Save» Sarajevo. Žalilac je obavezan platiti naknadu za pokretanje žalbenog postupka u iznosu od 500,00 KM (član 108. stav (1) tačka a) Zakona o javnim nabavkama BiH).



DIREKTOR

Sejad Delić, dipl.inž.

Dostaviti:

- Ponuđačima
- Sektor 50
- a/a